

Landesbeauftragter für Angelegenheiten  
der Sorben/Wenden

Dortustraße 36  
14467 Potsdam

Pressesprecher  
Kontakt: Stephan Breiding  
Telefon: 0331 866 4566  
Mobil: 0171 837 5592

E-Mail: [presse@mwfk.brandenburg.de](mailto:presse@mwfk.brandenburg.de)  
Internet: <https://mwfk.brandenburg.de>

   mwfkbb

Potsdam, 03.09.2026

## Informacija za medije

Nr. 291/2026

### Start za lětoske

### Myto Miny Witkojc

**Krajny zagronity za serbske nastupnosći Dünow wupišo k pětému razu krajne myto za angažement na pólu serbskeje rěcy / Móžošo až do 31. oktobra kandidaty naražís**

Ten krajny zagronity za nastupnosći Serbow, statny sekretar wědomnosći a kultury **Tobias Dünow** wupišo lětoske Myto Miny Witkojc. „Z mytom Miny Witkojc comy pódšmarnuś: Serbska rěc a kultura stej centralny žěl Łužyskeje identity a domownje – mimo njeju njamóžoš sebje Bramborsku pśedstajiś. Angažement na pólu serbskeje rěcy pśinosujo k zdžaržanju wobgrozoneje kultury a mjeńšyny, k wjelerakosći we našom kraju a k pśichodoju Łužyce. Pšez to myto pśípóznajomy wósebnu angažerowanosć za dolnoserbsku rěc: za jeje zdžaržanje, dalejdawanje, rewitalizaciju a dalejuwuś. W zachadnych lětach smy měli někotare wobžiwowanja gódne laureatki a laureaty: Witaj-žišownju Mato Rizo, slawista Manfred Starostu, wuměłca Bernd Pittkuningsa a wědomnostnicu Madlenu Norbergowu. Ja se zasej wjaselim na wjelicke naraženja kandidatow!”

**Myto Miny Witkojc** jo z 2.500 € dotěrowane a pócijo se kužde druge lěto jadnej paršonje, kupce paršonow abo instituciji, kótaraž jo pśi nałożowanju, wužywanju, pśěrdnjanju abo dalejuwuśu serbskeje rěcy – wósebnje dolnoserbskeje rěcy – pśesegajuće žěło wugbała abo hyšći wugbajo. Pśi tom glěda se pśedewšym na wósobinski angažement, trajuće efekty a inowatiwnosć. Pšawo na naraženje kandidatow maju komuny we starodawnem sedleńskem rumje Serbow kaž teke towaristwa a zwěstki ze serbskim pósěgom, jednotliwe paršony a cłonki teje jury.

Wóni mógu swóje naraženja za lětoske myto pla Ministarstwa za wědomnosć, slěženje a kulturu zapódaś, a to wótněnta až do 31. oktobra 2026. To myto bužo pśepódaś ten toho krajny zagronity za serbske nastupnosći Tobias Dünow.

# Pressemitteilung

Seite 2 von 2

**Prědne Myto Miny Witkojc** kraja Bramborska jo w lěše 2018 dostał team přědneje Witaj-žišownje we Žylowje (Chóšebuz). Druge jo se 2020 pódariło slawistoju Manfred Starostoj, ako jo se 1941 w Janšojcach (Wokrejs Sprjewja-Nysa) narožił. Tšeše jo 2022 dostał pěsnjař a kabaretist Bernd Pittkunings z Chóšebuza. Stwórte 2024 wědomnostna sobužěłašeřka we Witaj-centrumje dr. Madlena Norbergowa, teke z Chóšebuza.

**Mina Witkojc** jo se 1883 we Bórkowach (Błota) narožila a jo 1975 we Popojcach pši Chóšebuzu zamrěła. Wóna słuša k nejwěcej wuznamnym basnikařkam we dolnoserbskej rěcy. Jeje basni wopokažu, kak wusko jo była ze Serbami a ze swójeju domownju we Błotach zwězana. Wóna jo žěłała mjazy drugim ako publicistka a redaktorka 'Serbskego Casnika' a 'Pratyje'. 1964 jo dostała Myto Ćišinskego. W Bórkowach stej zakładna a wuša šula a biblioteka za njeju pomjenjonej, w Chóšebuzu jedna droga.

**Serby** su se pšed jadnab 1.500 lětami we Łužycy wusednuli. Rownož su pjerwjejšne kněža a kněžařstwa je šišćali, aby se asimilěrowali, ga su wóni weto zdžaržali swóju rěc a swóju kulturu, pregowanu wót wšakich swěženjow a nałogow. Dolnoserbska rěc słuša k familiji słowjańskich rěcow, jo pšípóznata mjeńšynowa rěc w Nimskej a wordujo w Bramborskej pšez krajnu wustawu woplěwana. Kraja Bramborska a Sakska a Zwězk pódpěraju procowanja serbskego ludu wó zežaržanje a dalejuwuise swójeje identity. Kraj Bramborska stajijo Załožbje za serbski lud lětosu jadnab 4,9 milionow euro k dispoziciji.

Dalšne informacije: <https://mwfk.brandenburg.de/mwfk/de/kultur/sorben-wenden/>